

Willi Bircher-Berther



Willi Bircher ei naschius ils 29 d'avrel 1948 a Sitten, cantun Valleis. El eis staus igl emprem affon ord la letg da Willi Bircher e Gertrud naschida Volken. Siu ventireivel temps d'affonza passenta el el ravugl dalla famiglia cun aunc treis fargliuns a Fiesch.

Suenter la scolas dil vitg sedecida il given Willi pil mistregn da cuschinier. A Visp absolva el igl emprendissadi. Silsuenter entscheiva il temps da lavur viado egl jester. Aschia lavura el a Locarno, pli tard a Flem lu a Zermatt per setschentar ella Val Tujetsch a Sedrun. Cheu empren el d'enconuscher la giuvna Marta Berther. Suenter lur nozzas igl onn 1972 serendan els a turitg. Leu meinan els communablamein ina ustria. In accident sforza ina midada da mistregn.

Ses hobbys fuvan oravontut igl ir cun skis e la atletica leva. Avon in onn s'annunzia ina maligna malsogna. Quella termineschia la giuvna veta da Willi ils 21 d'uost 1995 ella veglaidetgna da 47 onns. Parents ed enconuschents piardan in bien, leger ed activ carstgaun.

Igl ei stau il fervent giavisch e desideri da Willi da vegnir satraus cheu a Sedrun. Ils 25 d'uost vegn el accumpignaus sin santeri e surdaus alla fossa. El meretta la pasch beada. Igl ei stau il fervent giavisch e desideri da Susi Soliva da vegnir satrada cheu a Sedrun. L'entira cuntrada purscheva ad ella ruaus e convalescenza, cargava ella cun novas forzas.